



Na osnovu IV.B. Ustava Federacije Bosne i Hercegovine, *donosim*

ODLUKU

o kriterijima, načinu i postupku raspodjele sredstava „Tekući transferi za pojedince“ za 2024. godinu

I. OSNOVNE ODREDBE

Član 1. (Predmet)

Ovom Odlukom utvrđuju se kriteriji, uslovi i način raspodjele sredstava „Tekući transferi pojedincima“ odobrenih u Budžetu Federacije Bosne i Hercegovine za 2024. godinu i Zakonu o izvršenju Budžeta Federacije Bosne i Hercegovine za 2024. godinu („Službene novine Federacije BiH“, broj: 7/24 od 26.1.2024. godine) na poziciji Kabineta potpredsjednika Federacije BiH, razdjel 11, glava 1102, pozicija tekući transferi pojedincima u iznosu od 40.000,00 KM.

Član 2. (Korisnici sredstava)

Pravo na dodjelu sredstava iz člana 1. ove Odluke imaju:

- 1) Lica koja se nalaze u stanju socijalne potrebe tj. stanju teške materijalne situacije, stara, bolesna i iznemogla lica, djeca sa posebnim potrebama i djeca bez roditeljskog staranja (zahtjev podnosi staratelj), ratni vojni invalidi i ostale osobe sa invaliditetom, članovi šehidskih porodica i porodica poginulih boraca, nezaposlena lica, radnici na čekanju i druga lica bez prihoda ili sa malim приходima i ostala nepobrojana lica koja se nalaze u stanju socijalne potrebe;
- 2) Lica kojima je neophodno liječenje;
- 3) Učenici i studenti kojima su finansijska sredstva neophodna za završetak obrazovanja;
- 4) Lica kojima su finansijska sredstva neophodna za unapređenje kulturno - umjetničkog stvaralaštva na području BiH.
- 5) Za ostvareni doprinos u odbrani države

Član 3. (Predmet finansiranja)

Sredstava sa pozicije „Tekući transferi pojedincima“ za 2024. godinu, isplaćivat će se u sljedećim slučajevima:



- Podrška talentiranim đacima i studentima i njihovom učešću na takmičenjima (općinski, kantonalni, federalni, državni nivo, kao i međunarodna takmičenja);
- Sprečavanje, ublažavanje i otklanjanje socijalne ugroženosti i poboljšanje standarda djece, starih i nemoćnih osoba, osoba koje same ili uz pomoć članova porodice ne mogu zadovoljiti osnovne životne potrebe zbog nepovoljnih ličnih, ekonomskih, socijalnih i drugih okolnosti, prognanih, izbjeglih i raseljenih osoba, boraca kao i drugih nepobrojanih kategorija građana u stanju socijalne potrebe;
- Materijalna podršku pojedincima koji su pokazali izuzetne rezultate i angažovanost u radu, koji rade na promoviranju pozitivnog imidža Bosne i Hercegovine, koji su pokazali hrabrost i posvećenost u pružanju pomoći osobama kojima je to potrebno;
- U drugim slučajevima humanitarnog i socijanog karaktera.

II. KRITERIJI ZA DODJELU SREDSTAVA

Član 4. (Kriteriji vrednovanja)

Sredstva iz tekućih transfera pojedincima za 2024. godinu dodjeljivat će se prema općim i posebnim kriterijima propisanim ovom Odlukom, u zavisnosti za koju oblast su sredstva namijenjena.

Član 5. (Kriteriji za razmatranje zahtjeva)

Podnosioci zahtjeva za „Tekući transferi pojedincima“ za 2024. godinu moraju dostaviti sljedeću dokumentaciju kao dokaz o ispunjavanju Kriterija za razmatranje zahtjeva:

- 1) Detaljno obrazloženje zahtjeva (sa popratnom dokumentacijom)
- 2) Kopija lične karte
- 3) Potvrda o posjedovanju bankovnog računa
- 4) Kućna lista
- 5) Potvrda o pohađanju visokoškolske ustanove ;
- 6) Dokaz o visini troškova odbrane magistarskog rada ili doktorske disertacije;
- 7) Potvrda o zaposlenju ili dokaz da je kandidat nezaposlen;

Dokumentaciju od 1) do 4) obavezni su dostaviti svi podnosioci zahtjeva, a dokumentaciju od 5) do 7) dostavljaju podnosioci zahtjeva za finansiranje troškova obrazovanja.



**Član 6.
(Poseban kriterij i bodovanje)**

Poseban kriterij za dodjelu novčanih sredstava na osnovu „Tekući transferi pojedincima“ za 2024. godinu primjenjivat će se za kategorije u skladu sa članom 2. ove Odluke.

**Član 7.
(Poseban kriterij za tešku socijalno – materijalnu situaciju)**

7.1. Poseban kriterij na osnovu kojeg će se razmatrati zahtjev za sredstva za ublažavanje *teške socijalno – materijalne situacije* podnosioca zahtjeva podrazumijeva ispunjenje sljedećih uslova:

- 1) **Broj članova porodičnog domaćinstva;**
- 2) **Socijalni status članova domaćinstva;**
- 3) **Status podnosioca zahtjeva;**
- 4) **Medicinski aspekt članova porodičnog domaćinstva**

7.1.1. Prema broju članova porodičnog domaćinstva

- | | |
|-----------------------------|------------------|
| a) Jednočlano domaćinstvo | 2 boda |
| b) Dvočlano domaćinstvo | 4 boda |
| c) Tročlano domaćinstvo | 6 bodova |
| d) Četveročlano domaćinstvo | 8 bodova |
| e) Višečlano domaćinstvo | 10 bodova |

7.1.2. Prema socijalnom statusu članova domaćinstva

- | | |
|---|------------------|
| a) Jedan nezaposlen punoljetni član domaćinstva | 2 boda |
| b) Dva nezaposlena punoljetna člana domaćinstva | 4 boda |
| c) Tri nezaposlena punoljetna člana domaćinstva | 6 bodova |
| d) Četiri i više nezaposlenih punoljetnih članova domaćinstva | 8 bodova |
| e) Korisnici stalne novčane pomoći | 10 bodova |

7.1.3. Prema statusu podnosioca zahtjeva

- a) Status demobilisanog borca, ratnog vojnog invalida, dobitnici ratnih odlikovanja, član šehidske porodice, status samohranog roditelja, civilne žrtve rata, neratni invalidi. **4 boda**



b) Zaposlen/nezaposlen/invalid/penzioner

4 boda

Postojanje gore pomenutih statusa podnosilac zahtjeva dokazuje fotokopijom Rješenja ili drugog validnog dokumenta.

7.1.4. Prema medicinskom aspektu članova porodičnog domaćinstva bodovanje se vrši na sljedeći način:

a) Postojanje težih i hroničnih bolesti članova porodičnog domaćinstva

4 boda

Postojanje bolesti članova porodičnog domaćinstva podnosilac zahtjeva navodi u zahtjevu i dostavlja fotokopiju medicinske dokumentacije. Bolesti koje mogu da se boduju su: maligna oboljenja, bronhijalna i srčana astma, teška opstuktivna oboljenja pluća, aktivna tuberkuloza, infarkt srca, transplantacija organa, epilepsija, duševne bolesti, cerebrovaskularni insulit, progresivne nervnomišićne bollesti, pareze i partalize, hemofilija, dijabetes, hronične bubrežne insuficijencije na dijalizama, sistemske autonomne bolesti, ostomijelitis i HIV inekcije.

Član 8.

(Poseban kriterij za liječenje)

8.1. Poseban kriterij na osnovu kojeg će se razmatrati *zahtjev za sredstava za liječenje* podrazumijeva ispunjavanje sljedećih uslova:

- 1) **Priroda bolesti**
- 2) **Hitnost slučaja**
- 3) **Socijalno-materijalni status**
- 4) **Dokaz o zaposlenosti/nezaposlenosti/nesposoban za rad**

8.1.1. Priroda bolesti

a) Maligna oboljenja, bronhijalna i srčana astma, teška opstuktivna oboljenja pluća, aktivna tuberkuloza, infarkt srca, transplantacija organa, epilepsija, duševne bolesti, cerebrovaskularni insulit, progresivne nervnomišićne bollesti, pareze i partalize, hemofilija, dijabetes, hronične bubrežne insuficijencije na dijalizama, sistemske autonomne bolesti, ostomijelitis i HIV inekcije

6 bodova

b) Sve ostale nepobrojane bolesti

4 bodova



8.1.2. Hitnost slučaja

- a) Neophodan hitan operativni zahvat **6 bodova**
- b) Troškovi liječenja **4 bodova**

8.1.3. Socijalno-materijalni status porodice (podnosioca zahtjeva)

- a) Status demobilisanog borca, šehidske porodice, neratni invalid, civilna žrtva rata, ratni vojni invalid, status samohranog roditelja **4 boda**
- b) Svaki član porodičnog domaćinstva koji je nezaposlen **3 boda**
- c) Svako dijete na školovanju **3 boda**

8.1.4. Status zaposlenosti, nezaposlenosti, invalid, penzioner (podnosioca zahtjeva)

- Dokaz o zaposlenosti/nezaposlenosti/stepenu invalidnosti/penzioner **3 boda**

Član 9.

(Poseban kriterij za obrazovanje)

9.1. Poseban kriterij na osnovu kojeg će se razmatrati *zahtjev za finansiranje troškova obrazovanja* podrazumijeva ispunjavanje sljedećih uslova:

- 1) Broj članova domaćinstva
- 2) Student/učenik bez jednog ili oba roditelja, student/učenik čiji uži član porodice ima status demobilisanog borca, šehidske porodice, neratni invalid, civilna žrtva rata, ratni vojni invalid, status samohranog roditelja
- 3) Srednje obrazovanje, visokoškolsko obrazovanje (dipl.,Magistar, Doktor i dr.)
- 4) Postignuti rezultati (prosjek u školskoj ustanovi, redovan i pravovremen upis u narednu školsku)

Pod troškovima obrazovanja podrazumijava se : nabavka udžbenika i drugih školskih pomagala za učenike osnovnih i srednjih škola, učešće na domaćim i međunarodnim takmičenjima, snošenje troškova studiranja, izrada magistarskih radova i doktorske disertacije, finansiranje istraživačkog rada, naučnog istraživačkog rada, naučnog usavršavanja i studijskih boravaka u zemlji i inostranstvu s ciljem podizanja stepena naučnog zvanja .



9.1.1. Broj članova domaćinstva

- a) svaki član porodičnog domaćinstva koji je nezaposlen/ u stanju socijalne potrebe **3 boda**
b) svako dijete na školovanju (broj djece koja se školuju) **3 boda**

9.1.2. Status podnosioca zahtjeva

Student/učenik bez jednog ili oba roditelja, student/učenik čiji uži član porodice ima status demobilisanog borca, šehidske porodice, neratni invalid, civilna žrtva rata, ratni vojni invalid, status samohranog roditelja **3 boda**

9.1.3. Stepen obrazovanja

- a) Srednje obrazovanje **2 boda**
b) Visokoškolsko obrazovanje, (dip. Magistar, Doktor i dr.) **3 boda**

9.1.4. Postignuti rezultati

Dokaz o postignutim rezultatima (prosjek ocjena, potvrda o pravovremenom upisu u narednu školsku godinu, potvrda o završenom studiju, deficitarno zanimanje) **3 boda**

Član 10.

(**Poseban kriterij za razvoj kulturnog, umjetničkog i sportskog stvaralaštva i za doprinos u odbrani BIH tokom agresije na BIH kao i za učešće u odbrambeno-oslobodilačkom ratu**)

10.1. Poseban kriterij na osnovu kojeg će se razmatrati zahtjev za finansiranje troškova razvoja Kulturnog, umjetničkog i sportskog stvaralaštva (radovi likovnih, muzičkih, književnih, filmskih umjetnika i sportista ... podrazumijeva ispunjavanje sljedećih uslova:

- 1) **Dosadašnji javni radovi, aktivnosti i postignuti rezultati**
- 2) **Nivo društvenog značaja**
- 3) **Međunarodna saradnja**
- 4) **Doprinos projekta razvoju umjetničkog, književnog, likovnog, muzičkog, kulturnog, sportskog, obrazovnog, edukativnog, debatnog, tehničkog i drugog stvaralaštva na području FBiH**
- 5) **Socijalni status podnosioca zahtjeva**

10.1.1. Dosadašnji javni radovi, aktivnosti i postignuti rezultati **3 boda**

10.1.2. Nivo društvenog značaja

Projekat od značaja na državnom nivou **5 bodova**
Projekat od značaja na federalnom nivou **4 boda**
Projekat od značaja na kantonalnom nivou **3 boda**
Projekat od značaja na općinskom nivou **2 boda**
Projekat od značaja za užu zajednicu **1 bod**



- 10.1.3.** Međunarodna saradnja (doprinos afirmaciji BH kulture i njenoj međunarodnoj afirmaciji (učesće u međunarodnim projektima, vrednovanje međunarodne stručne i kritičke javnosti, Međunarodna takmičenja, nagrade i priznanja) **5 bodova**
- 10.1.4.** Doprinos projekta razvoju umjetničkog, književnog, likovnog, muzičkog, kulturnog, sportskog, obrazovnog, edukativnog, debatnog, tehničkog i drugog stvaralaštva na području FBiH. **4 boda**
- 10.1.5.** Socijalni status podnosioca zahtjeva (zaposlen/nezaposlen/nesposoban za rad, podnosioc zahtjeva ili član uže porodice ima status demobilisanog borca, šehidske porodice, neratni invalid, civilna žrtva rata, ratni vojni invalid, status samohranog roditelja) **2 boda**
- 10.1.6.** Doprinos u odbrani BiH tokom agresije na BiH kao i za učesće u odbrambeno-oslobodilačkom ratu BiH **5 bodova**

Član 11.
(Iznos ukupnih sredstava)

Ukupno raspoloživa sredstva „Tekući transferi za pojedince “ za 2024. godinu iznose 40.000,00 KM i nalaze se na poziciji tekućih transfera Kabineta potpredsjednika Federacije BiH -1102.

III NAČIN DODJELE SREDSTAVA

Član 12.
(Raspodjela sredstava)

Ukupna sredstva „Tekući transferi pojedincima“ za 2024. godinu u iznosu od 40.000,00 KM raspodijelit će se na sljedeće pozicije u programu:

- 1) Pomoć u ublažavanju teške socijalno - materijalne situacije;
- 2) Pomoć u liječenju;
- 3) Pomoć u obrazovanju;
- 4) Pomoć u razvoju kulturnog, umjetničkog i sportskog stvaralaštva.
- 5) Pomoć u povodu značajnog doprinosa u odbrani BiH tokom agresije

Član 13.
(Potrebna dokumentacija)

Zahtjev za dodjelu novčanih sredstava iz „Tekući transferi pojedincima“ za 2024. godinu dostavlja se Kabinetu potpredsjednika Federacije BiH – 1102.



U zahtjevima se navode ciljevi i namjene za koje se traže sredstva iz „Tekući transferi pojedincima“ za 2024. godinu.

Pojedinci koji apliciraju za dodjelu sredstava, dužni su dostaviti sljedeću dokumentaciju:

1. Detaljno obrazloženje zahtjeva (sa popratnom dokumentacijom)
2. Kopija lične karte
3. Potvrda o posjedovanju bankovnog računa
4. Kućna lista

Uz gore navedno potrebno je dostaviti dokaz o ispunjavanju posebnih kriterija u skladu sa članom 7., 8. i 9. i 10. ove Odluke.

Član 14.

(Imenovanje i zadaci Komisije)

Potpredsjednik Federacije BiH rješenjem imenuje Komisiju za razmatranje primljenih zahtjeva po osnovu „Tekući transferi pojedincima“ za 2024. godinu.

Zadatak Komisije je da razmotri zaprimljene zahtjeve, izvrši bodovanje za svaki pojedinačni prispjeli zahtjev, sačini Izvještaj o ocjeni prispjelih zahtjeva za tekuće transfere za potpredsjednika Federacije BiH i dostavi na odobrenje.

Nakon dostavljenog i odobrenog Izvještaja potpredsjednik FBiH donosi Odluku o dodjeli tekućeg transfera podnosiocima zahtjeva koji su ispunili uslove.

Komisija zadržava pravo da provjeri tačnost podataka navedenih u zahtjevu, te ukoliko su navedeni podaci netačni zahtjev odbaci.

Komisija neće razmatrati nepotpune prijave.

Član 15.

(Način bodovanja)

Bodovanje podnesenih zahtjeva Komisija za razmatranje zahtjeva „Tekući transferi pojedincima“ za 2024.godinu će izvršiti na osnovu Obrasca sa tabelom za bodovanje koji će sačiniti Komisija.

Članovi Komisije za razmatranje zahtjeva po tekućem grantu za „Tekući transferi pojedincima“ za 2024. godinu pojedinačno će izvršiti bodovanje potpunih zahtjeva.



Član 16.
(Podnošenje izvještaja)

Korisnici sredstava iz člana 2. ove Odluke dužni su Kabinetu potpredsjednika Federacije BiH dostaviti Izvještaj o namjenskom utrošku sredstava u roku od 6 mjeseci po prijemu novčanih sredstava.

IV. PRIJELAZNE I ZAVRŠNE ODREDBE

Član 17.
(Stupanje na snagu)

Ova Odluka stupa na snagu danom donošenja.



Potpredsjednik
Federacije Bosne i Hercegovine

Refik LENDO
Refik LENDO

Broj: 02-11-5-57-02/24

Datum: 30.01.2024.

Dostaviti:

- Odjelu za opće, zajedničke i finansijske poslove
- ☉ Arhivi

